

# Das XXIII. Capitel

## Wie man das böse Blut erkennen vnd was man daraus judici- ren sol.

**N**ach dem das Blut gelassen/  
sol es fein sauberlich in ein Becken  
an ein Schatten / da es weder zu  
kalt noch zu warm / gesetzet vnd zugedecket  
werden / bis es gestehe. Man pflegt auch  
das Blut vmb mehrer nachrichtung vnd  
unterscheids willen / in etliche reine Irrde-  
ne / Gläserne / oder Zinnerne Gefäß / oder  
Schüsslein auffzufangen. Denn das er-  
ste Blut im ersten Gefäß / wenn die Ader-  
lässe mit Muß geschehen sol / wird allzeit är-  
ger seyn / denn das ander / das andere ärger  
als das dritte. Wenn aber das erste vnd  
andere gut / vnd das dritte böse / so sol man  
auff ein andere Zeit widerumb lassen / die-  
weil das arge Geblüt zum aufgangs noch  
nicht reißt. Doch sol man mitten in der  
Lässe das Löchlein mit dem Finger zuhal-  
ten/

**M**